

THE UNIVERSITY OF TORONTO  
LIBRARY  
100 KING STREET WEST  
TORONTO, CANADA M5S 1A5




DS  
751  
T75  
1692  
V. 11

1971















曾文定公全集卷十四

南豐後學彭期編訂

庫部員外郎知臨江軍范君墓誌銘

嘉祐五年六月辛巳，尙書庫部員外郎知臨江軍事范君卒于位，年五十有三。其年十月辛酉，葬于江州德化縣之仁貴鄉萬家山前。旣葬，其孤屬君之故人李中，考次君之官氏邑里與其功行之實，爲狀授使者，使告于輦曰：先君葬旣得日月，宜有銘，孤安期也。





敢請。鞏曰：君之行宜有述，乃爲之誌其墓而銘之。其  
叙曰：惟范氏傳敘受姓，自劉累以來，其後居江州者，  
出於晉豫章太守甯之後。君諱端，字思道，江州德化  
人也。祖秘書省著作佐郎贈太常少卿諱成象，父尙  
書都官員外郎贈光祿卿諱應辰。君始以父任爲太  
廟齋郎，累轉至尙書庫部員外郎，歷德化尉、江寧主  
簿、江都令、知南昌、飛烏、彭山三縣，通判通州，徙泰州，  
又爲勾當開治畿內溝洫，提舉陝西河北路便糴糧  
草，至知臨江軍事而飛烏以乞養太夫人得監江寧。



府鹽稅彭山用薦者得監雲安軍鹽井二縣皆不至  
君聚書萬餘卷強力篤學爲人恭遜質儉能自修飭  
門內之治肅如也及施於爲政以謹法能持廉名於  
世而世之能觀其內者亦少也始爲江都會歲旱張  
若谷爲揚州遣吏數人與君皆出視民田他吏還者  
白歲善君還獨白田實旱若谷初不是之也君持旱  
苗力爭乃卒是君所白吳遵路蔣堂爲淮南轉運使  
使君護河役君往視之還言河不可爲遂罷君用他  
吏護役而河果不可爲三人者其初皆怒已乃感悟



共薦之而當是之時天下之主財利者方務於急聚  
斂治民者以立聲威爲賢交四方之賓客者又往往  
嚮意於卑辭貌煩饗燕贈送之禮以其故能傾士大  
夫以干天下之譽君乃獨推息民教化之意以簡易  
自守故爲雲安主鹽利而議蠲鹽課以數萬爲臨江  
以興學教人爲先而厨傳賓客之奉十去其七八四  
方之往來者或出語訕君君不爲之動也其正行直  
道如此太夫人李氏贊皇縣太君父尙書工部侍郎  
虛已元配鄭氏父龍圖閣直學士向次配周氏清河縣



君父尚書司封員外郎陵子男六人安期安仁安之  
安世安壽安禮女五人長適和州司戶叅軍鄭夷中  
次適都昌主簿周詠次適郊社齋郎周仝期餘尚幼  
孫男六人萃叟巖叟淵叟商叟蒙叟真叟太夫人之  
喪君哀感疾四年乃能起凡君之所旣立可謂有士  
君子之行非耶自不遵先王養士用人之法而士在  
閭巷之間者用力於空文居朝廷者馳騁於虛名以  
譁世取寵士之能修其內潔身累行者非自好之篤  
莫能至而世亦罕能知之也故君之事予喜爲之見



於文使後之君子得覽焉君於文章尤長於詩有集  
三卷藏於家其銘曰

君性溫溫好退持卑及其臨事擇義而爲一世之壘  
君獨從之一世之慕君獨違之行已有常在官無疵  
曷以知之眎此銘詩

愚按叙范君之修潔有守而以感慨發之傷今思  
古生出一段大議論見空文虛名貽害世教又誌  
銘中變調也



殿中丞監揚州稅徐君墓誌銘

唐之亡，強者分其地爲國，以十數。楊行密有淮南，稱吳海州人。徐溫爲吳將，有功，行密死，三子相次立。溫用事，貴顯。溫死，其養子知誥遂代楊氏，盡有江淮之地。稱唐。去溫所與爲姓名者，姓李氏，名昇。溫己子知諫，事昇爲將。死，昇追以爲中書令。臨淄王知諫子遜，事昇子璟，爲中書侍郎、上饒郡公。遜子徐君事璟子煜，爲其祕書郎，賜緋魚袋。宋旣受命，平天下，俘李氏以歸。徐君亦隨之京師，得爲太常寺太祝，不樂棄官。



歸江南久之爲殿中丞監揚州稅以死子天錫爲秘書丞亦死女四人其第二女與季皆嫁呂氏徐君死祥符閒後四十餘年嫁呂氏女有子倚始葬徐君與徐君之母李氏妻陸氏於揚州之某原方徐氏之先與楊氏俱起東南收其土地而有之遭行密子弱徐氏實任其國至昇遂代吳而徐氏子孫亦皆據士民之上○有王公之勢於其一時富貴之際豈非盛哉百○年○之○後○其○世○凌○遲○至○于○徐○君○遂○死○而○無○以○葬○葬○於○異○姓○之○孫○盛○衰○之○變○何○其○速○也○然○自○前○世○無○不○皆○若○此○



富貴之不可以久恃亦何必異也而世之不安其命者方枉義挈挈以覬幸其偶得之者又惴惴恐失之是真可以常處也哉初東南之地旣入於有司天子憐士民許皆復田其故所有地徐君之地爲尤多多不取有冒徐君之地以賣之者亦不問是以其貧甚而徐君獨自得徐君諱元榆字仙材好學善屬文吏部賈黃中嘗試其書判曰元白不足多也尤能詩詩數百篇號南歸集大抵多慨其不得志徐君之所以自見也嫁呂氏女之夫名某憐徐君之死無以葬死



以屬其子倚倚貧甚能自力卒葬徐君而就其父志  
銘曰

富吾不爭可謂既好之貧吾不懟可謂又安之諧歸  
此丘女子之爲永昭厥聲維此銘詩

不與有言會陳之故以賣之者衣不潤髮以其貧其  
辭士凡得皆勤田其地而後葬之此其志也  
長其所以常也其地東南之故鄉人故亦行天子  
未衣其義舉以贈幸其附葬之者又附葬焉夫  
富貴之不與也其地亦不與也其地亦不與也



永州軍事推官孫君墓誌銘

黟縣之孫氏有起進士爲尚書工部郎中廣南西路  
轉運使以卒者諱杭以文學見于世其葬在黟之上  
林有子亦起進士爲永州推官以卒卒時年二十有  
八者諱適亦以文學見稱葬在其父之左將葬其弟  
邈以告而乞銘于南豐曾鞏其序曰孫氏世家富春  
唐有徙歙之黟縣者諱師睦始自別爲黟縣之孫氏  
師睦生延緒延緒生旦旦生遂良以子恩爲尚書職  
方員外郎職方生工部工部實生君君年十有四辭



親學問江東已有聞於人往從臨川王安石受學安石稱之後主越州上虞簿去以父恩得永州父卒萬里致喪疾不忍廢事既葬攜扶幼老將就食淮南疾益革遂卒於池州大安鎮實至和二年始工部爲御史不合而出及使南方什且起遽卒君尤自力學行謂蘊必發其在君又止此君于學問好其治亂得失之說不狃近卑於爲文以古爲歸不夸以浮雖素羸不廢書雖進不忘以止既肆而通矣而不得極其志其銘曰



孫氏來黟拔身艱故爲世聞家始自工部工部孰有  
有書百篇永州之學自其父傳其果以力其敏以明  
內有其質外以華英再以不就其後當侈君不有子  
君多兄弟

宋文鑑杭作抗不忘作不息  
銘詞氏字原作世復下世字



宋文公集卷十四

蘇軾只取在學文止此是子學問終其治亂得來  
內亦其實我以莊英再以不欺其好當封侯不齊子  
亦書百餘宋陳玄學自其交附其果以也其鑠以四  
經其來無外良賤姑爲世開卷故自工詩工酒線有



衛尉寺丞致仕金君墓誌銘

今上皇祐二年祀明堂推恩羣臣祕書丞金君得以其父爲大理評事致仕五年郊金君爲太常博士又得以其父爲衛尉寺丞惟衛尉府君諱某字溫叟浮梁人初君之考贈大理評事諱某有三子伯曰鼎臣爲某軍節度掌書記仲曰汝臣爲太常博士季卽君兄弟俱舉進士書記與仲旣起家君因不復冒就舉曰吾兄弟不可俱去吾親也後三十餘年卒以有子爲丞云君有四子曰君著曰君佐曰君卿博士也曰



君佑兄弟又皆舉進士。博士既有名秩于朝。三子皆復養于家。蓋其父子兄弟之出處如此。何其相似也。當是時。宋興已百年。博士方以材自起于賤貧。欲以其所爲爲天下。慨然有志者也。君獨自得於大山長谷之間。日從子孫來四方之客。與夫鄉人之老詩書樽席之側。嘯歌息偃。以忘其年。隕然遂其志者也。遭天子旣宗祀明堂。顧朝士大夫皆褒崇其親。欲以風示天下。命書寵章降於其家。顯榮一時。壽考康寧。有孫有曾。以承以翼。何其祥也。君爲人簡易。無町畦。能



事父兄、衣食奉養、自與者嘗取其薄、嘗有盜其牛羊、已又盜其所乘馬者、君知之、皆不校、盜卒自悔、以伏蓋君之賢、與其恕、又有足多者如是也。生於淳化之庚寅、卒於嘉祐之丁酉、遺命三月而葬、從薄、遂以其年十二月四日葬於饒州浮梁縣萬戶山之前。夫人徐氏、累贈壽安縣君、君之沒也、有子四人、女六人、孫男九人、女十二人、曾孫男三人、女二人、金氏、或曰出少昊、金天氏、或曰出漢侍中、穉侯、傳至孫則亡、至曾孫復侯、而穉侯有弟倫、倫子若孫、四世六人、皆侍中。



以忠孝名尊顯于世世稱金氏云至君之先皆家京兆唐僖宗時有令浮梁者遭黃巢亂徙人築險自保所活人以數萬因畱治之凡十有七年遂家浮梁以功至檢校尚書右僕射昭信軍節度使諱某君曾祖也子諱某君祖也博士以君之外孫尚書屯田員外郎臧論道之狀來屬曰子爲我銘吾親吾死足矣輦不敢辭銘曰

卑少恭老惟物之常卽强棄父廼理之亡帝用慨然尊祀明堂顧褒耄壽風示九有君勢之亨與享其榮



擁笏巍巾、于家以息、有子有孫、嚴嚴我側、志無不得、  
君子之祥、銘以發之、君子之光、

賢原作  
質







撫州金谿縣主簿徐洪墓誌銘

嘉祐元年、虔州安遠闕縣令建安徐洪、以撫州金谿主簿攝安遠事、明年八月十一日死、安遠十二月其父尚書屯田郎中舉、以書告君之故人南豐曾鞏曰、子爲我銘洪之墓、遂考次君世序、行已歷官、卒葬之終始、銘於其墓曰、君曾大父某某官、大父某某官、君字孺興、爲人有志、讀書好其治亂得失之大旨、爲文長於辨說、其奔放馳騁、上下反復之際、有足壯也、未冠、聲號聞四方、初中進士、除洪州司戶參軍、不就、



退居大江之南，好倜儻非常之奇節，不有少屈於人。居八年，以父命始強出爲主簿，非其好也。君居家遇人無親疎，豁如也。樂赴人之急，爲主簿不以非其好，故怠其意。其治能有愛於人，金谿富人錮山林之利數十年，君始奪之，而縣之貧人賴其利，蓋君之所試者小，其爲日又近，而其所旣立如是也。享年三十有二，死之若干日，葬饒州鄱陽東門外。母某氏，某縣君，妻凌氏，黃氏，男一人，曰還孫，始二歲，女四人尚幼也。

銘曰



嗚呼孺興志果而大、不勝于柔、以窒其外、不隕其剛、  
以亨于內、胡短其施、而多其與、父老失子、兒嬰失父、  
維銘告哀、以納于墓、



人無所不為之者好無偏私之者不肖小人也  
於八年以父命唯此爲主其意其何也若其  
人無所不為之者好無偏私之者不肖小人也  
故其意其何能有愛於人金華富天嗣山其  
通十年其意其何能有愛於人金華富天嗣山  
者不其意其何能有愛於人金華富天嗣山  
雖論書哀以餘于墓川郡湯東門外其意其  
以意于其意其何能有愛於人金華富天嗣山  
則知無與志果而大不報于果以望其長不則其



太子右司禦率府副率致仕沈君墓誌銘

君諱某字某姓沈氏沈氏自齊太子家令約家於吳興故世爲吳興人至君之大父諱某考諱某始自吳興之東林徙家於錢塘故今爲錢塘人君以宗室密州觀察使宗旦恩卽其家得爲太子右清道率府副率致仕又以祀明堂恩遷太子右司禦率府副率兼官檢校國子祭酒兼監察御史階銀青光祿大夫勳武騎尉蓋密州觀察使宗旦者今天子之姪潞王之孫而其母夫人蓋君之姪也君爲人質朴無外飾其



居鄉閭、寬然長者也。其事父兄、能力以嚴、眎族人、能愛以均。雖饒財爲大家、而衣服飲食、自與尤寡約。至人有急歸我、則推財赴之、無錙銖顧惜意。鄰里或歲饑、輒發倉以救。人有欺其財者、皆不校。旣老、治其家、事不冝懈。曰：吾先人之所以付我也。處其子孫、不以逸。曰：所以使汝守吾先人之法也。嘉祐二年三月一日、以疾卒于家。享年七十有六。其年十一月十五日、葬錢塘之西城。初娶吳氏、再娶車氏。某縣君其葬也。吳氏實從子三人：曰曄、曰晄、曰時。孫八人：曰沔、曰溱、



曰沂、曰淑、曰灌、曰湜、曰漸、曰渥、曾孫三人曰師揚、曰師荀、曰師軻、時沂、沂皆舉進士、餘亦皆有學行、蓋君之教也、銘曰

赫赫宗子、保藩于密、天子曰嘻、汝惟沈出、予假汝寵、錫其外親、東宮之屬、有長衛軍、命君于家、俾休其老、以偃以側、服章華好、天子命我、匪我有求、隤然順退、媚于林丘、不蘊爲機、不阻爲畦、曰遠無仇、曰近無疵、里巷之依、惟此令人、流聞餘澤、化其子孫、惟身之祥、旣壽而康、惟後之祥、宜熾而昌、惟墓有域、其藏有石、



刻此銘詩昭示無極

瀆編云了不足紀之人淡然無奇之文然自有典刑可重存之以備子固一體

歲饑

上無或字從正宗



試秘書省校書郎李君墓誌銘

君諱迂、字明遠、姓李氏、爲人孝友慈恕、讀書務大旨、生五代之際、再試明經、不合、退居楚丘、有田百餘頃、皆推與其族人、獨畱五頃而已、曰無令子孫以財自累也、宋初、秘書監彭君薦其行義、詔以爲試秘書省校書郎、而君終不肯強起、淳化三年壬辰九月二十一日、以疾卒于家、享年八十有四、維李氏遠出於臯陶、而其後李耳之孫曇、爲秦司徒、曇子牧事趙、始家趙郡、牧子汨、汨子左車、於趙號廣武君、廣武君子遐、



涿郡太守、遐子岳、諫議大夫、岳子秉、潁川太守、又徙家潁川、秉七世子膺、河南尹、膺子瑾、復家趙、瑾曾孫楷、晉治書侍御史、有子五人、曰輯、晃、芬、勁、勵、以所居巷東西自別、故勁稱西祖、勁子隆、後魏阜城令、隆後九世棲筠、唐御史大夫、贊皇文獻公、文獻公子吉甫、相憲宗、吉甫子德修、楚州刺史、德裕相、文宗、武宗、楚州子煜、宋州宋城令、君曾祖也、又徙家宋之楚丘、故今爲楚丘人、宋城子確、萊州膠水令、君祖也、膠水子譚、磁州邯鄲令、君考也、邯鄲之少子運、爲太常少卿、



有子曰昌齡、太宗真宗時爲尙書戶部侍郎參知政  
事、故膠水贈太子少保、郇鄆贈太子少傅、君娶丁氏、  
王氏、王氏有子曰昌震、爲建州松溪令、贈尙書駕部  
郎中、駕部有子曰漢卿、今爲諸王府侍講、尙書虞部  
員外郎、虞部有子曰彥龍、彥龍復有子四人矣、君卒  
後七十四年、治平三年丙午四月某甲子、虞部葬君  
於開封府開封縣保安鄉永寧里之原、以王夫人從、  
銘曰、

不累於物、全吾質兮、不羈於世、遂吾志兮、作宅新原、



維孝孫兮納銘幽局永淑聲兮

贈曰

外間徒以開桂繼封文淑永寧里之風以王夫人  
封士本四乎前平三辛丙午回其某甲子某時某  
員使將與時齊子曰意請意請齊子曰四人矣吾  
福也蓋時有子曰齊王叔封齊尚書與時  
王及王凡齊子曰昌齊齊時外齊令與尚書與時  
事姑與水銀太子也時齊時太子也時齊太子  
齊子曰昌齊太子與齊尚書與時齊太子與時



故高郵主簿朱君墓誌銘

君諱某字齊卿，姓朱氏。其先家于彭城。五代之亂，徙于淮南。今爲淮南人。曾祖某，不仕。祖某，贈刑部尚書。父某，贈殿中丞。君嘗試于秘書省校書郎、蘇州之長洲尉、高郵軍之高郵主簿，以卒。卒時，乾興元年六月十九日也。後卒之若干年，其子象之東之，升之，延之，奉君之喪，葬天長縣之秦蘭里。於是時，象之某官，東之某官，以才名，餘皆爲士。某官以書命，輦曰：子其爲我銘之，而以狀言公之爲人。有智計，喜施與，少從師。



學問已而捨學業其家。家之食口數百。仰於君。君能資之。凡出乎衣食嫁娶。皆有餘法。殿中之第。工部侍郎巽。初舉進士。數困。欲不復往。君勸之曰。第行。無以廢爲念。故侍郎得曲就其志。至爲達官。大其家。後卒官。君旣居官。以才稱。其爲身務於廉。臨獄訟。務爲恕。母某氏。旌德縣太君。娶耿氏。又娶賈氏。女歸太常博士吳祥。柳州馬平知縣陳許。池州推官李樞。其季歸于曾氏某之先君。博士也。舅氏實命鞏銘。其敢辭銘曰。

對高隱主爵公孫某



推心於家其愛已孚用力於官蓋以其餘得官於晚  
壽五十四故不大顯以極其志



齊王十四封不火賜以禮其志

雖亦欲其受日平服代飲官蓋以其神將官飲



贈職方員外郎蘇君墓誌銘

熙寧元年春，余之同年友趙郡蘇軾，自蜀以書至京。師謂余曰：軾之大父，行甚高而不爲世用，故不能自見於天下。然古之人亦不必皆能自見，而卒有傳於後者，以世有發明之者耳。故軾之先人嘗疏其事，蓋將屬銘於子，而不幸不得就其志。軾何敢廢焉？子其爲我銘之。余爲之記，其說曰：君諱序，字仲先，眉州眉山。人其先蓋趙郡欒城人也。曾大父欽，大父祐，父杲，三世皆不仕，而行義聞於鄉里。祐生於唐季而卒於

下筆不苟



周顯德之間嘗以事至成都遇道士異之屏人謂曰  
吾術能變化百物將以授子祐辭不願道士笑曰是  
果有以過人矣而杲始以好施顯名君讀書務知大  
義爲詩務達其志而已詩多至千餘篇爲人疎達自  
信持之以謙輕財好施急人之病孜孜若不及歲凶  
賣田以賑其鄰里鄉黨至熟人將償之君辭不受以  
是至數破其業厄於饑寒然未嘗以爲悔而好施益  
甚遇人無疎密一與之傾蓋無疑礙或欺而侮之君  
亦不變人莫測其意也李順叛攻眉州君居園中守



禦會其父病歿。君治喪執禮盡哀。退慰安其母。皆不失所宜。慶曆初。詔州縣立學。取士爭欲執事學中。君獨戒其子孫。退避人。皆服其行。蜀自五代之亂。學者衰少。又安其鄉里。皆不願出仕。君獨教其子渙受學。所以成就之者甚備。至渙以進士起家。蜀人榮之。意始大變。皆喜受學。及其後。眉之學者至千餘人。蓋自蘇氏始。而君之季子洵壯。猶不知書。君亦不强之。謂人曰。是非憂其不學者也。旣而洵果奮發力學。與其子軾轍。皆以文學名天下。爲學者所宗。蓋雖不用於



世而見於家稱於鄉里者如此。是不可以無傳也已。  
君始以子恩爲大理評事。後累贈尚書職方員外郎。  
享年七十有五。慶曆五年五月十一日。終於家。八年  
二月某日。葬於眉山縣修文鄉安道里先塋之側。夫  
人史氏蓬萊縣太君。二子曰。渙。尚書都官郎中。提點  
利州路刑獄公事。有能名。曰洵。霸州文安縣主簿。編  
纂太常禮書。贈光祿寺丞。孫七人。位。僧。不欺。不疑。不  
危。軾。轍。軾。殿中丞。直史館。轍。商州軍事推官。銘曰。  
蘇氏徂西。值蜀崩分。三世高逝。以篤吾仁。君始不羈。



勞躬以卑孝於父母施及窮嫠維見之卓教其子孫  
終化鄉邦學者說說維子若孫同時三人擅名文章  
震動四方廼本厥初考祖之自刻詩墓石以畀厥裔

取士

正宗此下有士字



黃德四式發本鄉諸寺聯文自陳精墓下以異鄉  
徐少陳氏學音無封歸于若將同和三人暨谷文堂  
與陳以卑奉飭父母其英與陳楚聯良之卓卓其子



贈大理寺丞致仕杜君墓誌銘

君姓杜氏，澶州濮陽人。卒於皇祐元年十月庚申，葬于熙寧八年十月丁酉。其墓在濮陽縣桂枝里之欒邨。以夫人仙居縣太君潘氏祔。君曾王考佑，王考延嗣，考珣，子男三人，曰言，曰宗諫，皆蚤世。曰宗誨，殿中丞，女二人，嫁馬氏，欒氏。孫男二人，曰良輔，餘未名也。君諱瑩，字德溫，贈大理評事，又贈大理寺丞，爲人孝友，溫良，以清靜爲學，而以澹泊自足，行脩於家，而譽聞於鄉。其自得者，壽考見于身，其有餘者，流澤見于



後故其年至于八十而有子能大其門言理之士以此多君也宗誨爲人質厚恬夷世俗之所爲有不爲者予爲襄而宗誨實僉書節度判官公事愛其所守而知其有所受也其以君之銘乞于予故不辭銘曰有以養其內克遐者壽有以行于遠克昌者後帝原厥初追錫命書予與此銘賁于幽墟王



秘書省著作佐郎致仕曾君墓誌銘

君姓曾氏諱庠字明升建昌軍南豐縣人曾祖諱某  
尚書水部員外郎祖諱某尚書戶部郎中直史館贈  
右諫議大夫考諱某舒州軍事推官君進士及第歷  
邵州司理叅軍用薦者爲衡州常寧縣令福州福清  
縣丞以疾自陳遷秘書省著作佐郎致仕卒于熙寧  
九年十月某甲子年五十有九以其年十一月某甲  
子葬南豐龍池鄉之源頭母吳氏妻黃氏朱氏有子  
曰擴曰某曰某女四人君少孤自感勵好學能文章



爲人聰明敏達而喜事素有大志不甯少屈焉爲吏  
以才稱治獄訟能盡其情爲令丞易敝興壞綱紀具  
脩吏不敢犯而民安之也有聲顯聞薦者自許得人  
不幸不壽不克盡其用將葬擴來告曰願有紀也廼  
爲其銘曰

發其華見於文收其實見於事于其小綽有聞于其  
卓屈不試尙不沒慰後昆矢以辭列幽隧

一本無而素焉訟四字

錄書皆舊本於順姪卦曾孫墓誌



光祿少卿晁君墓誌銘

公姓晁氏其先家濟州之鉅野今爲開封祥符人皇  
考諱邁尚書駕部員外郎贈開府儀同三司吏部尚  
書皇祖佺贈太傅皇曾祖諱憲贈某官公諱宗恪字  
世恭少以世父太子少保贈某官諡文元諱迴恩補  
將作監簿十四遷至光祿少卿歷監單州應天府酒  
稅知蘇州之常熟婺州之蘭溪縣事通判安州杭州  
事知通州虔州提點廣南東路刑獄公事又知信州  
泉州享年六十有三熙寧二年某月某甲子卒於官



四年某月某甲子與其夫人某縣君閭丘氏合葬于揚州江都縣之廣陵鄉公爲人樂易慈恕寡言笑人不見其喜怒遇事果於有爲人亦罕能及者其爲常熟修學校理溝防人賴其利爲蘭溪繩姦字窮境內和洽通判安州安州政待公而決通判杭州州將矜已自肆上下莫能變公徐與之論可否語平而氣和將畏且從也由是上下倚公以治至今杭人稱之其爲虔州州近粵多盜與訟公至修弛廢督姦彊威信盛行盜不敢發而獄無繫囚及在廣南其用法常寬

○學原作鹽



而欲人自避。曰。治有先後緩急者。謂此也。其視部吏  
孜孜恐失一善。而惡人亦莫敢犯公法。其爲通判如  
廣南。爲信州。泉州。如虔州。所至人皆安公之政。而去  
常思之。蓋公之行已居官。而見於事者如此。而其大  
抵。則於仁厚最隆也。母張氏。壽安縣太君子男二人。  
曰仲景。海州司理。叅軍曰仲孺。試將作監主簿。孫男  
三人。曰端復。曰端儼。皆太廟齋郎。曰某。未仕也。女六  
人。長適太常博士集賢校理曾鞏。銘公墓者也。次適  
某官劉某。某官高元振。某官燕若濟。今存惟燕氏婦。



餘早世。閭丘夫人爲身治家。皆應儀度。卒於公歿之  
明年某月某甲子。公歿。家無餘財。而仲景仲孺皆謹  
厚。自刻厲。能世其先人。於是又知公之教行於其家  
也。銘曰。

晁世來西。大有文元。有卿有公。繼屬綿綿。曰卿謂誰。  
時維光祿。作其德音。光于外服。其光伊何。有善自身。  
匪飾匪雕。璞玉之純。治有恩威。時其張弛。彼畏此懷。  
吾寧一理。于虔于泉。于嶺之南。里安戶擾。罔有不咸。  
宜壽而昌。胡不百齡。尙茲介祉。維後之成。

光原作先



王容季墓誌銘

容季王氏諱罔其先太原人中徙河南其後自光州之固始徙福州之侯官徙侯官者五世矣曾大父諱廷金仕閩王爲遠安軍使大父諱居正贈秘書丞考諱平爲侍御史葬潁州之汝陰故今爲汝陰人容季嘉祐六年進士及第主蔡州之新蔡縣簿治平某年某月某甲子卒於家年三十有二熙寧某年某月某甲子葬汝陰旌義鄉衆義營侍御府君之兆母曾氏金華縣君尚書刑部郎中集賢殿修撰贈太師中書



令兼尚書令某國公某之女妻賈氏尚書司門郎中  
昌期之女男女二人男曰某始若干歲容季孝悌純  
篤尤能刻意學問自少已能爲文章尤長於敘事其  
所爲文出輒驚人爲人自重不馳騁銜鬻亦不孑孑  
爲名日與其兄講唐虞孔子之道以求其內言行出  
處常擇義而動其磨礱涵養而不止者吾未能量其  
所至也不幸其志未就其材未試而短命死矣初容  
季之伯兄回深甫以道義文學退而家居學者所宗  
而仲兄向子直亦以文學器識名聞當世容季又所

劉日太史  
作合傳每

每如此



立如此學士大夫以謂此三人者皆世不常有籍令  
有之或出於燕或出於越又不可得之一鄉一國也  
未有同時並出於一家如此之盛若將使之有爲也  
而不幸輒死皆不得至於壽考以盡其材是有命矣  
而命之至於如此何也初子直之遺文深甫屬予敘  
之數年又敘深甫之文復數年耳容季葬有日其仲  
兄固子堅又屬余銘其墓而且將敘其文嗚呼非其  
可哀也夫銘曰  
學足以求其內辭足以達其外守之用剛養之用晦



如泉之進。如木之升。奄焉以止。不究其成。維友作詩。以永厥聲。

票

刻意上無能字

容季

葬上有而字



劉伯聲墓誌銘

慶曆之間，余家撫州。州掾張文叔與其內弟劉伯聲從余遊。余與伯聲皆罕與人接，得顓意以學問磨礪。浸灌爲事，居三年，廼別。後數年，余以貧而仕，見伯聲於京師。年益壯，學日以益。又數年，余校書史館。伯聲數過余，飲酒談笑，道舊故，相樂也。伯聲未老，然以疾故亦衰矣。旣而余去京師而東，更七州。至于亳，伯聲子之美來告曰：「伯聲死八年矣。將死時，命之美屬余銘。其言曰：『葬而不得余銘，如不葬也。』余惟伯聲始從



余遊至今三十年見其少壯至於有疾而衰與之故  
最久於其死而托銘於余故不得而辭也伯聲諱震  
爲人質厚沈深寡言笑恂恂蹈規矩與人遊見其一  
善若恐不能及見其一失若恐不能拔其篤於誼如  
此讀書有大志慨然欲有爲者也少孤能自立尤貧  
然營疏屬之葬孤姪之嫁娶忘其力之不足也數以  
進士薦於鄉卒不合晚乃得試將作監主簿曾大父  
澤左補闕贈吏部尚書大父居仁單州單父縣主簿  
考紘濟州司理參軍其先清河人自吏部葬開封府



之東明、今爲東明人、伯聲卒於熙寧五年二月戊戌、  
年五十有三、葬於東明之陽山鄉白駒里、以元豐三  
年十一月某甲子、妻賈氏、尙書比部員外郎式之女、  
子四人之美、之純、之奇、之邵、二女、嫁倪良器、李日新、  
張文叔、名彥博、余爲之敘其文者也、銘曰、  
斂於求已、尙行寡言、篤於求古、廣見多聞、有旣畀之、  
而施則屯、維舊則信、以諗後人、



前蘇門弟蘇轍司以編對人  
煥然若日尚存寒言薰然來古  
與泉空聞音韻異之  
其文如谷或謂余為之嫌其文  
亦疎曰  
予聞人云美之雖之奇之喻二  
文故就夏器李曰疎  
至十一月某甲子集賈尹尚書  
洪時員悅瀧友之文  
年五十五三藝然東肥之劉山  
嶽自湖里以天豐三  
之東肥令為東肥人卧輦卒然  
照寧正平二其為



張久中墓誌銘

君姓張氏名持字久中初名伯虎慶曆三年來自曲江入太學當是時天子方詔學官歲獻士二人學者以數百千人獨獻君會學散不報於是時予蓋未嘗識君也後二年過予之所居臨川始識之君爲人深沈有大度喜氣節重交遊一時所與之遊者甚衆而君所尤稱者廣漢張賁以爲年少可進以學者莆陽陳惇蓋君之學多賁發之而於惇以師友自處也凡君之與人交喜窮盡其得失其義足以正之而其直



未嘗苟止也。至其與衆人接，尤溫以莊，不妄與之言。與之言，必隨其材智所到，不病以其所不爲。故君之友，皆憚其嚴而喜其相與之盡。衆人之得君遊者，亦皆喜愛而未嘗有失其意者。其語曰：士生於今，勢不足以持世而遊於其間，當如此也。於臨川，出其文章，因與予言古今治亂是非之理。至于爲心持身得失之際，於其義，予不能損益也。後二年，死於興國軍。某月某日也。明年，其弟來江南，以力之不能將，獨負君之骨以歸。是時，陳惇方以進士得出身，約君之弟曰：



吾忍不全歸吾友耶。明年吾得補爲吏。力能以君之  
柩歸其第。乃止。君年若干。祖某。考某。君幼孤。養於兄  
嫂。嘗曰。嫂之於吾猶母也。婦能以姑之禮事吾嫂者。  
可以爲吾婦矣。然卒亦無也。君固難交。然不易其好。  
而陳惇者。與君交尤深也。予嘗眎惇與君之相從。憂  
窮齟齬。無不共之。其中心豈有利然也。世之交友道  
廢久矣。其有之。或非此也。然則君之事。其有取於世  
教非耶。惇以某年某月某日歸君之葬地。而屬余銘。  
其辭曰。



嗚呼久中不如其志孔孟已然何獨於子生而不大  
天固爲之其長在人於此觀之

與予

與原本譌  
學從正宗



胡君墓誌銘

君名敏、生於天禧之戊午、卒時皇祐之辛卯也、旣卒  
之明年、葬于其所家撫州金谿縣之東某里某原、字  
某、姓胡氏、父名晏、教君學已爲之求師、又爲之求四  
方善人君子與之接、致其力不敢懈、至於老以死、不  
敢變、君亦能奉其意、故君之爲進士、其強學、其廣記、  
其博問、其能文、辭於其業、可以謂之脩、其事親、其居  
家、與人遊、不見其缺、虧其約、其質其不苟、其寡言於  
其行、可以謂之脩、夫積其勤、以至於業之脩而止、薦



於○鄉○積○其○謹○以○至○於○行○之○脩○而○不○克○顯○於○世○此○世○之○  
所○以○哀○君○也○然○君○有○可○以○慰○其○親○而○不○疚○於○其○內○比○  
於○得○其○欲○富○貴○於○一○時○而○有○愧○於○其○心○者○其○得○失○何○  
如○固○易○知○也○母○某○氏○妻○某○氏○子○某○第○某○君○嘗○學○于○予○  
也○故○銘○之○銘○曰○

慰其親學也勤短而屯塞不伸震無垠琢斯珉

愚按全以議論作波瀾而感慨係之亦丘邦士所  
謂以一二十其字爲文中筋節者又誌中之變調  
也銘亦古勁不苟



天長朱君墓誌銘

君姓朱氏諱延之字某其先彭城人今家於揚州之  
天長縣曾祖某贈尚書右僕射祖某贈尚書工部侍  
郎考某贈太子中舍母賈氏某縣太君君年若干卒  
于熙寧六年六月之丙申葬于某年某月之某甲子  
其葬在天長之同人鄉秦蘭里君聰明敏悟少力學  
問爲文章數就進士試不合乃歎曰與其屈於人孰  
若肆吾志哉因不復言仕方是時朱氏世以仕宦顯  
於淮南君居其家尤孝謹慈良然與人非其意不肖



苟合、旣果於自爲、而其治見於家者、規畫纖悉備具、推之、知其可任以事、然卒於無所遇、君亦未嘗不自得也、君少孤、養母、母之父死歲久、其喪寓於遠、貧不能歸也、君居窮經營、卒能使之返葬、及晚而饒財、又能樂賑施人、以此多君也、君娶沈氏、諫議大夫立之女、早卒、再娶王氏、殿中丞鼎臣之女子、男四人、寅、萬、廣、寓、皆有學行、女五人、許嫁進士滿希遠、太廟齋郎馬某、餘尚幼、君余舅也、故爲之銘其墓、其辭曰、  
勢不云泰、志則非屯、彼轂之丹、豈易吾仁、廩有餘粟、



及里與鄰、藏有圖書遺其子孫、已則無憾、尙昇後人  
識美幽堂、日遠彌新、



濟美幽堂日發鳳祥  
式里與嶺燕齊圖香  
其子燕口順飛翮尚  
異於人



亡兄墓誌銘

君姓曾氏諱曄字叔茂有智策能辨說其貫穿反復  
人莫有能屈之者身窮爲生事或毛密應之無畱而  
讀書理筆墨交賓客又思事未至當何如亦不廢也  
歡愉憂悲疾病行役寢食之間書未嘗去目故自上  
古以來至今聖賢百氏騷人材士之作訓教警戒辨  
議識述下至浮夸詭異之文章莫不皆熟而於治亂  
興亡是非得失之際莫不能議焉其文章尤宏贍瓌  
麗可喜三代遠矣漢以來世有成事業就功名之時

誌銘

三十五  
三十六



則○賢○臣○謀○士○材○技○之○人○同○世○並○出○常○若○有○餘○至○時○或○  
無○所○用○之○則○士○雖○往○往○有○紀○而○亦○不○俱○見○於○世○蓋○墮○  
窮○頓○委○於○巖○牆○閭○巷○之○中○者○豈○少○哉○如○君○之○材○知○辨○  
博○又○其○學○如○此○使○得○用○其○意○於○事○其○施○設○必○有○異○焉○  
然○卒○不○克○見○於○世○蓋○亦○豈○非○其○命○也○夫○君○年○四○十○有○  
五○皇○祐○五○年○以○進○士○試○於○廷○不○中○得○疾○歸○卒○江○州○祖○  
諱○某○尚○書○戶○部○郎○中○贈○右○諫○議○大○夫○考○諱○某○故○太○常○  
博○士○娶○李○氏○子○曰○覺○曰○黷○女○二○人○卒○之○歲○十○二○月○某○  
日○葬○建○昌○軍○南○豐○縣○之○某○鄉○某○原○某○里○也○弟○鞏○爲○其○



銘曰

世○或○須○人○中○士○爲○材○有○非○其○應○聖○不○能○諸○故○君○之○學○  
於○已○爲○足○而○材○與○世○爲○乖○刻○銘○幽○石○維○以○告○哀○

劉二至曰精神靈爽如在目前是頰上加三毛者  
酷似史記文字



卷之五  
 王曰  
 蘇  
 靈  
 與  
 岐  
 山  
 有  
 大  
 殿  
 上  
 殿  
 三  
 手  
 背  
 次  
 曰  
 蘇  
 靈  
 與  
 岐  
 山  
 有  
 大  
 殿  
 上  
 殿  
 三  
 手  
 背  
 世  
 知  
 人  
 中  
 士  
 為  
 林  
 亦  
 其  
 無  
 聖  
 不  
 指  
 爵  
 外  
 去  
 學



亡弟湘潭縣主簿子翊墓誌銘

熙寧十年春予蒙恩予告葬其弟子翊於南豐維子  
翊姓曾氏諱宰字子翊世魯人今家建昌軍之南豐  
子翊少力學六藝百子史氏記鍾律地理傳注箋疏  
史篇文字目覽口誦手抄日常數千言手抄書連榻  
累筭不能容於其是非治亂之意既已通至於法制  
度數造物立器解名釋象聲音訓詁纖悉委曲貫穿  
旁羅無不極其說且老未嘗易意其爲文馳騁反復  
能傳其學爲人質直孝弟抑畏小心少年飲酒歌呼



饒樂放縱之事。未嘗一接焉。其學行如此。於世用宜如何也。然位不過主簿。壽止於四十七。其非可哀也。夫子翊嘉祐六年進士及第。歷舒州司戶叅軍。潭州湘潭縣主簿。所居官理其去人思之。其學於古者蓋未嘗試也。有子經。綬純約。女適饒州軍事判官曹唐弼。次尙幼也。曾祖諱某。尙書水部員外郎。祖諱某。尙書戶部郎中。直史館。贈右諫議大夫。考諱某。太常博士。贈尙書都官員外郎。先太夫人吳氏。吳興郡太君。今太夫人朱氏。南昌郡太君。妻張氏。子翊熙寧元年。



四月乙巳卒於湘潭十年三月庚申葬于南豐龍池  
鄉之源頭銘曰

好學不倦○以及其詳○力行不已○亦蹈其常見於遺文○  
華袞之章○含其淳德○璞玉之良○于舒于潭○非試其有○  
方彊而盡○又奪其壽○畜而不施○則旣已矣○潛而益明○  
尙監於此







亡姪韶州軍事判官墓誌銘

覺姓曾氏、吾兄之子也、吾先人六子、吾兄諱曄、爲最長、有材而不試以死、覺自少則勵志力學問、知道理、善于屬文、及長、慨然慕有爲於世、不官碌碌爲人恭謹、循循寡言、治平二年、及進士第、爲吉州司法叅軍、有能吏名、用薦者爲韶州軍事判官、行至虔州、得疾、卒于驛舍、熙寧三年十一月己丑日也、年三十有七、覺字道濟、建昌軍南豐人、高皇考諱致堯、太常博士、曾皇考諱易占、尙書戶部郎中、直史館、贈右諫議大



大覺母李氏、妻鄧氏、夏氏、范氏、有子修、偃。熙寧四年  
八月壬申、葬於南豐龍池鄉之源頭。吾哀其若將有  
成也、而止於斯、故爲銘其墓曰、  
德累則厚、方濟而隕、材引則達、未試而泯、志氣不獲、  
誰云非閔、墓石有文、尙永來信、

善干風文、又其到然、墓官爲然、世不官、新籍、然人、  
是、林、而、不、知、以、預、覺、自、心、明、佩、志、代、學、問、映、影、  
覺、教、會、力、吾、以、之、干、也、吾、我、人、六、干、吾、只、歸、寧、然、是、  
力、強、暗、然、軍、事、供、官、墓、捐、然、



曾文定公全集卷十五

南豐後學彭期編訂

壽昌縣太君許氏墓誌銘

夫人許氏、蘇州吳縣人。考仲容、太子洗馬、兄洞、名能文、見國史。夫人讀書知大意、其兄所爲文、輒能成誦。父母衣食服御、待之而後安。旣嫁、惇行孝謹、宜于其家。其夫爲吏、有名稱。夫人實相之。及春秋高於內外、屬爲高曾行、而慈幼字微、愈久彌篤。故親疎懷附、無



有惡斂昔先王之治必本之家達於天下而女子言  
動有史以昭勸戒後世以古爲迂爲政者治吏事而  
已女子之善旣非世教所獎成其事實亦罕發聞於  
後其苟如此其衰微所以益甚則夫人之事其可使  
無傳也哉夫人嫁沈氏其夫諱周太常少卿贈尙書

刑部侍郎其舅諱某贈兵部尙書杭州錢塘人夫人  
封六安縣君壽昌縣太君年八十有三熙寧元年八  
月丁巳卒於京師二年八月某甲子合葬杭州錢塘  
縣龍車原予曰披國子博士有吏材曰括楊州司理



叅軍館閣校勘有文學其幼皆夫人所自教也女二人蚤卒銘曰

生民之治必本于身教行于家餘以爲人世弊俗偷  
恕于在已內替常度外彊于理淑惟壽昌學與心成  
篤于孝慈匪勸而能有翼于夫有迪于子尙類古人  
其傳以此

湯敦實曰作婦人誌銘說出王政大端此與列女  
傳序皆先生學識之大者故發於文章有關係如此



其輪以出



仁壽縣太君吳氏墓誌銘

仁壽縣太君撫州金谿吳氏尚書都官員外郎贈尚書刑部侍郎撫州臨川王公諱益之夫人衛尉寺丞諱用之之婦年六十有六嘉祐八年八月辛巳卒于京師十月乙酉葬于江寧府之蔣山夫人好學強記老而不倦其取舍是非有人所不能及者然好問自下於事未嘗有所專也其平生養舅姑甚孝蓋侍郎七子而少子五人吳氏出也然夫人之愛其長子甚于少子曰吾愛之甚於吾子然後家人愛之能不異



於吾子也。故其子孫已壯。大有不知爲異母者。居久之。二長子前死。夫人已老矣。每遇其嫠婦。異甚而身爲字其孤兒。忘其力之憊也。其處內外親疎之際。一主於恩。有讒訕踞罵已者。數困苦常置之。不以動聲色。亦未嘗有所含怒於後也。有以窮歸已者。急或分衣食。不爲秋毫計惜。以其故。至不能自給。然亦未嘗不自若也。其嫁三從之孤女。如已女。而待長子之母族如已族。蓋篤行如此。而天性之所有也。其自奉養。未嘗擇衣食。其視世俗之好無足累心者。方其隱約。



劉曰非先生不能作此語

窮匱之時。朝廷嘗選用其子。堅讓其子至於數十。或謂可強起之。夫人曰。此非吾所以教子也。卒不强之。及處顯矣。其子嘗有歸志。而以不足於養爲憂。夫人曰。吾豈不安於命哉。安於命者。非有待於外也。其子爲知制誥。故事。其母得封郡太君。夫人不許言。故卒不及封。此夫人之德見於行事之迹。而余以通家故。熟於耳目者也。夫人之考諱畋。畋之配黃氏。兩人者皆有善行。鄉里稱之。而黃氏兼喜陰陽數術學。故夫人亦通于其說。七子者曰安仁、安道、安石、安國、安世、安禮。



安上、安仁、宣州司戶叅軍、安石、尚書工部郎中、知制誥、安世、太平州當塗縣主簿、安禮、大名府莘縣主簿、餘未仕也。女三人：長適尚書虞部員外郎沙縣張奎，次適前衢州西安縣令天長朱明之，次適揚州沈季長。孫男九人：曰雱、翦、旄、旂、旆、放、孫、女九人：長適解州安邑縣主簿徐公翊，次許嫁太廟齋郎吳安特。餘尚幼。銘曰：

嗟若人兮，洵好善兮。始終一德，仁七子兮。遺棄細故，篤九族兮。脫珥推食，光惠施兮。以義易利，能無累兮。



縱心委命志彌邵兮。謂宜百歲奄忽逝兮。風有采蘋。經所首兮。原念美實輯此辭兮。庶幾德音與古對兮。

其子

正宗此下  
多其子字



其子

其子辛  
五家並平

錄祖首令親念美實神此編令無幾辭音與古愧令

錄心委命法懶暗令臨宜百意事檢改令風百采錄



試秘書省校書郎李君妻太原王氏墓誌銘

夫人姓王氏，太原人，嫁趙郡李氏，爲磁州邯鄲令贈  
太子少傅諱譚之冢婦。試秘書省校書郎諱迂之妻，  
爲人明識強記，博覽圖籍，子孫受學皆自爲先生。其  
行仁孝慈恕，始於爲女，中於爲婦，終於爲母，無不盡  
其道。享年八十。大中祥符三年庚戌十二月己巳卒。  
於號州盧氏縣其子之官舍。子曰昌震，建州松溪令。  
贈尚書駕部郎中，駕部子曰漢卿，今爲諸王府侍講。  
尚書虞部員外郎，虞部嘗爲李氏九世譜，其博而詳。



多夫人之所爲言也。治平三年丙午四月丁酉，虞部  
以夫人之喪，從校書君葬於開封府開封縣保安鄉  
永寧里之原。銘曰：

嗚呼夫人，既有其質，又肆爾力。古有遺辭，罔不采獲。  
克踐以躬，亦畀爾息。維瘞有銘，尙以載德。



池州貴池縣主簿沈君夫人元氏墓誌銘

夫人姓元氏，錢塘人。祖諱德昭，事吳越國王錢氏。宋興，贈太保，考諱好文，尚書比部員外郎，贈某官。嫁吳興沈氏，其舅爲尚書屯田郎中諱玉，其夫爲池州貴池縣主簿諱播。夫人在父母家，內外上下親疎長幼，皆宜之。年十有七而嫁，旣嫁，如在父母家時。貴池君早世，無兄弟。太夫人春秋高，諸子尚幼。夫人年三十餘，於羈旅單獨之中，闔門事姑，能盡其孝。教養諸子，至其後，皆爲成材，能世其先人。方其憂戚薨阨之時，



人恐其不能堪。夫人既奮厲經理，以保有其家。又退能自安，不亂其志。是人之所難，而其後世之不可以無述者也。夫人年七十，以治平三年某月某日卒。卒之若干日，葬真州揚子縣甘泉鄉三城里北山之原。子男四人，皆進士：曰伯莊、未仕；曰季長，越州司法叅軍；曰叔通，秘書省著作佐郎；曰次通，試將作監主簿。貴池君於先人爲同年友，而諸子又與余遊，故爲銘。銘曰：世有賢人，其德有餘。人既奮厲，經理其家。又退能安，不亂其志。是人之所難，而其後世之不可以無述者也。夫人年七十，以治平三年某月某日卒。卒之若干日，葬真州揚子縣甘泉鄉三城里北山之原。子男四人，皆進士：曰伯莊、未仕；曰季長，越州司法叅軍；曰叔通，秘書省著作佐郎；曰次通，試將作監主簿。貴池君於先人爲同年友，而諸子又與余遊，故爲銘。



集享家慶來嬪沈宗作德維令處平不盈在險能正  
姑曰微婦余老誰據子曰微毋余幼誰怙自振單弱  
卒持艱急老肆而安幼強以立實保沈宗自替而昌  
有烈如此何愧烝嘗後世原美孰可無述刻辭幽宮  
庶幾不沒







旌德縣太君薛氏墓誌銘

夫人姓薛氏累封旌德縣太君爲故太子右清道率  
府副率致仕贈右監門衛將軍姓段氏諱某之妻今  
提點江南東路刑獄公事禮賓副使名某之母某州  
某縣人也。大父諱某當吳越錢忠懿王時娶王女爲  
王國官父諱某祥符初爲東頭供奉常將屯宮門而  
監門之父右班殿直諱某者屯三陽二人者以意氣  
喜相得也遂以夫人歸段氏夫人性柔淑能和其屬  
人自珮服櫛珥凡資已者常出于儉而有餘好施雖



盡費不以爲侈也。生男一人，禮賓也。女二人，長適開封黃思問，次適吳郡潘孝孫，皆進士。夫人年四十有三，大中祥符七年五月某甲子，以疾卒於京師之敦教坊。某年某月某甲子，祔其夫人柩葬於某州之某縣某鄉某所之原。前葬，禮賓稱夫人之行與其世序封號之詳，託銘於南豐曾鞏爲述而銘之曰：

約乎己，厚乎人，發其積，在子孫。韡兮翟列，封君砧兮石。瑑銘文，



永興尉章佑妻夫人張氏墓誌銘

夫人姓張氏建安人父諱士龍舉進士嫁同郡章氏  
爲永興尉佑之妻所出三男四女曰造适述皆舉進  
士造及第爲清海軍節度掌書記女嫁俞瑾徐立之  
陳震亦皆舉進士其一蚤死初永興府君起家二十  
年止於爲尉及死三男尙幼造旣起又蚤死已而适  
亦死夫人維能忘其貧所以使其夫能屈於小官而  
說維能務其生所以使其子能安於幼學而成維能  
順其性所以居流離顛頓之間而不爲悲哀愁憂亂



其志也。其爲人卑。極於順。其爲人尊。極於慈。推於其  
疏宗遠屬之間。極於愛。男之有不能葬者。爲葬之女  
之有不能嫁者。爲嫁之。忘其力之匱而爲之也。此皆  
古○今○學○士○儒○者○所○難○而○女○子○之○善○能○如○此○此○非○可○銘○  
者。歟。嘉祐二年十一月三十日。卒於洪州之私第。卽  
以其年十二月十八日。葬於洪州某縣之某鄉某原。  
銘曰。典。林。前。古。集。卷。十五。文。定。公。曾。文。定。公。集。卷。十五。  
彼以吾窮。我以吾仁。二者皆天。吾樂而因。壽止七十。  
豈不得年。維其有之。愈遠彌傳。



壽安縣太君張氏墓誌銘

夫人姓張氏，濟州鉅野人。嫁爲同郡尚書駕部員外郎贈開府儀同三司吏部尚書鼂公諱邁之夫人。而爲贈太傅諱佺之子婦。有子男四人，曰宗曜，進士，曰宗恪，光祿少卿，曰宗愿，真州軍事推官，曰宗懿，尚書司門員外郎。女一人，嫁進士桑况。夫人初封清河縣君，累封清河壽安縣太君。年八十有七，卒于熙寧二年之十一月某甲子，葬于某年之某月某甲子。其墓在開封府祥符縣旌孝鄉，合儀同之兆。卒時，子宗曜



宗愿皆已死。既而光祿居喪以疾亦死。而諸孫男女凡三十人。男多已仕。女多已嫁矣。夫人爲人仁厚莊靜。自爲女及旣嫁。處內外親尊卑長幼親疎之際。無不當于禮。而恩稱之。其長者皆以爲善事我。而平居爲等夷。及少者莫不願以爲歸也。雖老未嘗懈。而雖疾未嘗有惰容。維其初終受養被封。旣壽而康。實備成福。可謂盛矣。余之亡妻于夫人之孫女爲第三。而光祿之長女也。知夫人之行爲尤詳。故爲之銘曰。女婉張氏。處躬以厚。來嬪黽宗。太傅維舅。儀同維夫。



鄉士維子、有孫詵詵、亦紹厥美、累封備養、維康以壽、  
德則旣成、福亦多有、納詩新藏、尙告爾後、







知處州青田縣朱君夫人戴氏墓誌銘

知處州青田縣事天長朱君諱某之夫人曰高郵戴氏年七十有七治平元年九月庚午以疾卒于楚州監倉之官舍某年某月某甲子葬于天長之某鄉某原夫人之考諱奎娶徐氏女夫婦皆有善行聞於其鄉夫人受教於始笄從事於既嫁少而行修於身老而教行於家故父母曰不遺吾憂舅姑曰能順吾志夫受其助子賴以成其平居深靜有儀法不妄笑言就之色莊而氣仁居貧自薄衣食而厚於施與屬人



之孤女爲收嫁者蓋二人云。旣老矣，女事不廢而婦容益恭。雖少者有不及也。有子四人，曰某，曰某，曰某，曰某。早卒。某，某州錄事叅軍，監楚州裝卸米倉。某，衢州西安縣令，皆及進士第。好古而有文。夫人於某，外叔祖母也。故舅氏屬以銘。銘曰：

淑哉戴氏，青田之助。允直且仁，蓄德於身。爲下肅祗，爲上惠慈。安意處貧，薄己裕人。其承有子，以文起仕。秀髮垂領，享有多慶。卜壤之良，乃兆新堂。刻此幽文，美實長存。



江都縣主簿王君夫人曾氏墓誌

試校書郎揚州江都縣主簿王無咎妻曾氏建昌南  
豐人先君博士第二女也孝愛聰明能讀書言古今  
知婦人法度之事巧鍼縷刀尺經手皆絕倫先君選  
其壻於里中以歸王氏王氏家故貧曾氏爲冢婦而  
其姑蚤世獨任家政能精力躬勞苦理細微隨先後  
緩急爲樽節各有條序有事於時節朝夕共賓祭奉  
養撫其門內皆不失所時將以恭嚴誠順能得其屬  
人其舅喜曰吾不以家爲卹矣其夫歎曰我能一意



自肆於宦學、不以私累其志、曾氏助我也。生二女、年三十有三。嘉祐四年五月三日、以疾卒。十二月、葬建昌南城。曾大考尚書水部員外郎、諱仁旺。大考右諫議大夫、諱致堯。先君太常博士、諱易占。將葬江都、告其兄輩、使誌其墓。天乎、吾哭伯姊始踰朞、又哭吾妹而誌之、其可哀也已。其可哀也已。



金華縣君曾氏墓誌銘

夫人嫁王氏爲侍御史諱平妻姓曾氏泉州晉江人  
祖諱穆殿中丞追封魏國公考諱會尚書刑部郎中  
集賢殿修撰追封楚國公皆累贈太師中書令兼尚  
書令妣黃氏楚國太夫人未嫁承順父母盡子道旣  
嫁夫家貧養姑盡婦道輔其夫盡妻道夫死寓食於  
潁以勤儉積日大其家以誘教不倦成其子又可謂  
盡母道也蓋其子五人回向固同罔皆有學行回有  
道爲儒宗向罔尤有文三人皆身在隱約而聲震天



下。於是時。夫人兄魯公公亮。實爲宰相當國。然夫人處里舍。彌約未嘗以爲泰。及其後。回向同閭。皆蚤世人以爲難處。夫人能自廣以理。未嘗亂其志。教養其孫至男有立。女有歸。熙寧之間。魯公告老。以太傅侍中就第。夫人少魯公一歲。食其子祿。皆居京師。二人白首相顧。怡然。元豐元年春。魯公薨。四月丁卯。夫人亦以疾終。春秋七十有九。夫人以夫恩封金華縣君。以魯公恩賜冠帔。子回。忠武軍節度推官。知陳州南頓縣事。向峽州硤石縣主簿。固大名府軍巡判官。國



子監主簿同陳州宛丘縣令同蔡州新蔡縣主簿女  
嫁太子右贊善大夫陳臻古孫五人泌汾汶沂潢汾  
郊社齋郎汶試將作監主簿夫人既卒之明年某月  
某甲子葬頰之汝陰縣懷音鄉南高村附御史之兆  
其將葬也固以狀來乞銘惟夫人爲子若婦爲妻若  
母皆盡其道於難阨流寄之中能立其家成就其子  
所以自處於通塞之際者無不當於理是其智術德  
性過人遠甚宜得銘且余實與其子遊最舊乃不辭  
而爲銘曰



曾禹之苗氏自鄧子或言厥志有稱闕里或以孝顯  
於經實紀或守所聞羞踐霸軌遙遙千載歷世有聞  
自荆徂粵篤生夫人楚公之子魏公之孫魯公維伯  
御史是嬪廼立厥家自墜而興廼教厥子自幼而成  
象服貂冠伯也在廷子也在幽碩實洪聲莫親已宗  
莫重夫氏兩有其盛世誰與媲維能旣試維德實孚  
尚寵爾從列銘陰墟



壽安縣君錢氏墓誌銘

劉凝之仕旣齟齬○退處廬山之陽○初無一畝之宅○一  
廛之田○而凝之囂囂然樂○若有餘者○豈獨凝之能以  
義自勝哉○亦其妻能安於理○不戚戚於貧賤○有以相  
之也○凝之晚有宅於彭蠡之上○有田於西澗之濱○子  
進於朝廷○薦於鄉閭○凝之夫婦康寧○壽考○自肆於山  
川之間○白髮皤然○體不知駕乘之勞○心不知機獲之  
畏○世人之所慕者○無慊焉○世人之有所不能及者○獨  
得也○其夫婦如此○可不謂賢哉○熙寧九年○凝之年七



十有七哭其妻之喪自爲狀次其妻之世出行事來乞銘予爲之因其言而識之曰夫人姓錢氏考內殿崇班穆祖考內閣使昭晟曾祖考宣德軍節度使同中書門下平章事湛高祖吳越文穆王元瓘夫人色莊氣仁言動不失繩墨居族人長幼親疎間盡其宜事夫能成其忠教子能成其孝是皆可傳者也夫人年七十有三卒於四月之庚子而葬於其歲某月某甲子墓在南康軍西城之某原初以疑之恩封壽光縣君再以子恕恩封壽安縣君有子曰恕秘書丞曰



格鄉貢進士，皆以文學顯於世。女嫁進士徐彥伯，太子中允黃廉孫某某，疑之名渙筠州某人，今爲尚書屯田員外郎。致仕銘曰：

仕不苟合，安於賤貧。其難其豫，繇嬖有人。維不終窶，又壽以康。有續孔辰，旣庶而臧。世迫而求獨優，以取世儒以處。獨肆而有士也，則然。女實作輔，考則錢媛。尙配于古。

湯敦實曰：以議論突起誌之，變調行文似史記銘。沈古雅。



愚艾實曰以類備矣政詰文變暗亦文知吏治

世謂以吏職舉而亦士出限於文實非其然我欲  
又謂以舉而餘斥是類而無世庶而大開愛以取  
世不皆合文然類食其類其類雖較齊人雖不齊  
田員於順廷卦論曰

于中允黃泉後某決之卒然其快某人今我尚書  
恭錄貢進士皆以文學舉世世文較雖士翁近世太



天長縣君黃氏墓誌銘

夫人姓黃氏、福州福清縣人、祖諱某、考諱倫、皆仕閩、越夫人嫁同縣林氏、爲殿中丞諱某之冢婦、尙書屯田員外郎諱某之妻、有子曰槩、爲太常博士、集賢校理、有孫八人、曰希、宣州涇縣主簿、編校集賢院書籍、曰旦、明州象山縣令、曰邵、杭州南新縣令、曰顏、許州臨川縣令、曰稽、曰雄、未仕也、其二人早卒、有曾孫十有一人、曰睿、處、虞、虞、虔、膚、據、處、其三人亦早卒、夫人年七十有七、治平四年正月癸丑、卒於京師之昭化



坊累封嘉興天長二縣君始殿中府君與其配福清縣太君鄭氏皆春秋高安其鄉里不肖出屯田府君乃從事漳州泉州興化軍踰二十年終養而後去夫人能盡其力治飲食衣服以進及喪能盡其哀皆如其夫之志其子旣就學夫人常夜治絲枲居其旁以勉之至其後其子遂以文學名天下旣而其子不克壽屯田府君亦卒于官諸孫皆幼夫人已老矣乃栖吳郡斥賣簪珥以經理其家絲蓄粒聚至有田以食有宅以居平居日夜課諸孫以學有不中程輒朴之



及長遂多知名，連以進士中其科。涇縣復校書集賢，世其父職。夫人乃顧諸孫，謂曰：「吾始得事祖姑，今得弄曾孫，遂保有汝家，起于旣墜，吾老且死，不恨矣。」涇縣旣服夫人之喪，以其柩歸吳郡寶華山。某年某月某日，祔屯田府君之兆，而屬余銘。銘曰：

女職在宮，行止于柔。扶微掇阨，則匪我謀。勢有孔棘，義不得寧。任重于已，振壞爲興。我儲我積，乃續蒸嘗。我字我飭，乃襲卽章。蒼顛秀眉，燕其作止。其燕伊何，維終受祉。莫仁且智，疇濟登茲。播告無極，視此銘辭。



瀆編云林希之祖名高其栖吳也時蔣堂爲郡往  
依焉蔣遣其子之奇與二林同學後皆爲顯官希  
當紹述之時爲制詞醜詆元祐諸臣至陰斥宣仁  
爲老奸弟旦在神宗時論李定在哲宗時論蔡確  
章惇呂惠卿鄧綰其賢不肖懸絕如此



雙君夫人邢氏墓誌銘

夫人邢氏，無爲軍巢人也。嫁爲贈大理寺丞姓雙氏  
諱華之妻，封萬年縣太君。子男三人，曰漸，爲尙書屯  
田員外郎，通判吉州軍州事，餘未名，皆早夭。夫人年  
八十有六，嘉祐四年九月二十七日卒于宣州之官  
舍。六年十二月二十七日葬于無爲軍巢縣無爲鄉  
憚良里之原。方大理府君之在隱約，屯田始就書學，  
夫人能經理其家，使無內憂，以卒就其志。及屯田有  
列於朝，夫人食其祿養，就封大縣，實受成報天之施。



與善人豈非信哉。夫人之在疾也，屯田之配長壽縣君陳氏，供養營救，有過人之行。州上其事，天子聞而嘉之，勅州使致粟帛，賜其家。於是人知夫人之善，不獨能成其子，又能化其家也。銘曰：爲軍樂，無爲。允淑夫人，秉是壺彝，有韡車服，維寵嘉之。葬有卜壤，其吉在斯。推求美實，眎此銘辭。

華之妻，姓萬，字綠太，孫子思三人曰：應、然、尚。書中大人，派丹，無爲軍樂人，出救，爲韻大，野寺，玉枝，雙丹。雙孫夫人，派丹，墓前銘。



德清縣君周氏墓誌銘

夫人姓周氏，湖州長興人。曾大父諱某，大父諱某，父諱某。嫁同縣陳氏，爲秘書省著作佐郎諱某之妻。爲人柔嫻靜莊，在父母家，至歸于夫氏，本于自修而卒於能孚于屬人。陳氏有姒婦，寡居當家事，夫人常曲意下之。於事常退避，不敢與。姒婦以其故，顧夫人甚懼，而親疎觀者莫不悅。著作有田數千畝，而愛士好施，夫人常悉力助之，以其故，至不能自給。而夫人處之自若。遇子之非己出者，與己子無毫髮厚薄意。人



以爲過人而夫人若有所不及也享年三十有五封  
德清縣君子曰樞爲尙書屯田員外郎曰楷曰權未  
仕也卒於慶曆五年之二月辛丑葬於熙寧三年之  
三月庚申其墓在長興縣永昌鄉下山之陽銘曰  
嗟淑人體明德外惟均內自克不永年隕嬪則兆親  
宮藏石刻

某叔同謀刺刃爲跡書省著卦卦順韓某之妻爲  
夫人按鳳凰閣與夫人曾大父韓某大父韓某父

韓某



夫人周氏墓誌銘

夫人諱琬字東玉姓周氏父兄皆舉明經夫人獨喜  
圖史好爲文章日夜不倦如學士大夫從其舅邢起  
學爲詩旣嫁無舅姑順夫慈子嚴饋祀諧屬人行其  
素所學皆應儀矩有詩七百篇其文靜而正柔而不  
屈約於言而謹於禮者也昔先王之教非獨行於士  
大夫也蓋亦有婦教焉故女子必有師傅言動必以  
禮養其德必以樂歌其行勸其志與夫使之可以託  
微而見意必以詩此非學不能故教成於內外而其



俗易美其治易洽也。茲道廢若夫人之學出於天性。而言行不失法度是可賢也已。其夫來乞銘予與之親且舊故爲之序而銘之。蓋夫人之王父諱協爲尙書刑部郎中。父約今爲尙書虞部員外郎。青州益都人也。夫人嫁關氏爲徐州豐縣令景仁之妻。爲尙書職方員外郎贈尙書都官郎中諱魯之子婦生一男二女。年二十有六卒于治平二年之九月某甲子。葬于杭州錢塘縣履泰鄉葛松原。實某年某月某甲子。關氏錢塘人也。銘曰。



女有圖史。傳於師氏。其勸以樂。其康以禮。能此非他。  
繇學而已。王政之興。蓋自此始。今孰登茲。維周之媛。  
學繇自好。終之不倦。言循于矩。行循于典。尙配古人。  
輝光日遠。

素學

原素下有所  
字從正宗刪



而常行不失法度是所謂也。已其夫亦乞銘乎與之。  
親素學。字到五原身而銘之。蓋大人之玉父。蓋為。

思素不肖

人也。夫入於國。民為你。外豐。兼令。景仁之。或。其。所。職。光。且。數。郎。贈。其。書。都。官。則。中。請。魯。之。子。婦。生。一。男。學。繼。自。我。孫。之。不。登。言。辭。干。狀。并。辭。无。典。尚。謂。古。人。繼。學。而。子。王。如。之。興。蓋。自。此。欲。令。其。登。茲。繼。限。之。數。文。序。圖。史。典。然。其。禍。其。其。憐。以。樂。其。惠。以。斷。指。此。非。此。



永安縣君謝氏墓誌銘

宋故衛尉寺丞王公諱用之之夫人尚書都官員外郎贈尚書工部郎中諱益之母姓謝氏累封永安縣君其卒皇祐五年之六月十四日其葬於撫州金谿縣某鄉某原既卒之百有五十一年也其子曰益曰某皆已卒曰某曰某曰孟楚州司理叅軍亦已卒其孫曰安仁宣州司戶叅軍曰安道皆已卒曰安石殿中丞通判舒州曰沆荆南府建寧縣令曰安國曰安禮其曾孫曰某曰某曰某其墓土部故人之子曾鞏



誌之曰。王氏由工部之叔父尚書主客郎中贈太常少卿諱觀之。始起家爲能吏。遂追榮其父諱某爲尚書職方員外郎。至于工部父子。遂皆進于朝。爲聞人。其世浸大。夫人及拜其舅與夫之榮。而享其子與孫之祿。其壽至於九十。其卒於撫州之臨川。安於其寢。余旣與夫人之諸孫遊。而嘗得拜於堂上。見其色和。其容謹。聞其言儉。而勤退。而聞其爲婦順。爲母慈。知其所以享其福祿者。其宜也已。余觀詩人之歌其后妃。至於諸侯大夫之妻。內修法度。輔佐其夫。而其效。



之見則兔置之人。至于江漢汝墳之婦女。皆承其化而篤于理。余固歎其當是之時。上下之間。內外相飭。何其至也。如夫人之賢而使出于其時。則必有歌于風而被之于無窮之事。若余之鄙。其亦曷能知其所至也哉。謝氏之祖曰某。考曰某。銘曰。士顯其施。其行易知。女處于私。其有孰窺。嚴嚴秀眉。不見缺虧。曷以長之。視此銘辭。

湯敦實曰。引經處極似劉向。



某鄉

正宗上賢原譌  
有之字資

不與趙隨昌以是文跡此證翰  
士應其欲其計是味文與于其  
至也趙隨昌以是文跡此證翰  
屈而嫁之于無名之妻余之備其  
所其至也故夫入之賢而封出  
而萬千聖余固嫌其當是之朝  
之具陳張且之入至于其賢之  
故其賢之入至于其賢之故其賢



永安縣君李氏墓誌銘

夫人姓李氏。其先燕人。而今家許州之長葛。贈太子太傅諱譚之曾孫。贈禮部尚書諱運之孫。贈刑部尚書諱昌言之女。而母晉平縣君聶氏也。夫人嫁駱氏。駱氏亦家許州之長葛。其夫諱與京。爲某官檢校某官知某州。享年七十有九。封永安縣君。有子男四人。長吉。逢吉。元吉。皆三班奉職。早卒。嘉福。今爲右班殿直。女三人。亦早卒。夫人以嘉祐八年十一月丙辰。卒于其家之正寢。而以熙寧二年十月。葬於許州長社。



劉曰嫁女  
當以是爲  
法然非具  
識力者不  
能

之舞鸞鄉白兔里。祔駱侯之塋。夫人仁孝慈恕。言動  
必擇義理。事父母不違其教。事舅姑不違其志。事夫  
順而有以相其善。遇子至於內外屬人。一以恩而不  
違於禮。初刑部之兄昌齡當太宗真宗時。輔朝政。李  
氏族大而貴。然刑部嫁女。常擇寒士。而至其後。多爲  
名臣。范文正公仲淹。鄭文肅公。叢與駱侯是也。夫人  
之弟光祿少卿禹卿。余妻父也。實葬夫人。故屬余銘。  
銘曰。拔李氏其於燕人。而今宋有。以是尊顯。太子  
性有能否。行有失得。一當於理。士有不克淑哉。夫人



秉是壺彝周旋大小無過無虧貴不稱德壽則謂遐  
維藏在許永裕厥家







福昌縣君傅氏墓誌銘

福昌縣君姓傅氏。會稽人。尚書職方員外郎霖之女。同郡尚書職方員外郎關公魯之妻。後關公五年。至和三年二月丙申。卒于家。年六十有四。子男八人。景棻。景元。景仁。希聲。杞。景山。景宣。景良。女一人。景華。嫁著作佐郎史叔軻。福昌君在家爲父母所器異。旣嫁而夫屬無退言。布衣惡食。身治細微。故關公之祿及其疏昆弟姊妹之孤。其事關公正以從其教。子慈以肅。關公起進士爲郎。爲池台兩州。年八十以歸。曰。吾



少得盡力于官而老得自休于家不以家事累吾志者以有夫人也八子學行脩立景芬希聲杞同時皆中進士夫人之卒景芬爲江陰尉希聲寶應尉杞和州判官景元亦以父恩爲廣德尉皆能其官景仁而下皆有聞于人實受教于夫人也始關公旣貧而孤其仕與婚又皆後至其終有百口爲大家福昌君維厚勤薄養所以經理其微維可否以明行止以公善訓能使誠恕愛人所以使其家有節法以有其成也某月甲子從葬錢塘之某原其子來屬以銘景宣予



湯曰銘似  
三百篇

轉溪一層  
妙甚

妹壻也。宜爲銘。其辭曰。

關氏爰昔始如萌芽。台州奮拔。垂實敷華。進勤退佚。  
不卹其家。繇嬋有人。作其內治。孰致其休。不懈于勤。  
孰致其隆。不簡于細。高明純約。坦坦其夷。無怨無疵。  
小大化之。有容有則。婦子順之。公爲朝老子。宦以成。  
象衣華轂。我止我行。巍冠文笏。我翼我承。公曰微子。  
誰據誰依。子曰微母。莫濟登茲。云誰無母。其孰無妻。  
爲妻爲母。如我誰亢。生雖有止。存也其長。鴻鴻號聲。  
垂此銘章。



氏盡婦道、事夫盡妻道、爲母及與內外屬人接、一皆盡其道、故其處也愛于其家、其嫁也夫之屬人上下遠近皆愛之、而其歿也哭之者皆哀、是不宜無銘、而朱君余舅也、屬余銘、銘曰、  
媛維沈女、經德以身、柔嫵靜簡、孚于屬人、維祉在後、有子誥誥、琢詩告美、愈遠彌新、大夫陟降、水盥毋燕、

夫人致其哀、其哀未于歿、之會、辭會、臨、之、就、令、其、所、  
夫人致其哀、其哀未于歿、之會、辭會、臨、之、就、令、其、所、



夫人曾氏墓誌銘

夫人吾從女兄也。姓曾氏。沈靜謹約。不妄笑言。遇人一以恕。於其內外屬之間。孝友慈順。無不當於理。故與之處者。皆愛哭其死者。皆哀鳴呼爲女。如是足以知其賢。又足以知吾之祖考以來教行於其家也。夫人考諱某。皇考諱某。尚書戶部郎中。直史館。贈右諫議大夫。曾王考諱某。尚書水部員外郎。建昌軍南豐人。夫人嫁爲同縣朱君某之妻。有子曰軾。曰某。軾以文行稱於鄉。有孫曰京。曰彥。京爲真州司法叅軍。毫



州教授夫人享年若干某年某月某甲子卒於寢某  
年某月某甲子葬于南豐之某鄉某原將葬軾以書  
來請銘余曰銘莫如余宜爲廼爲其辭曰  
女德在幽而始人倫詩有顯揚以立生民尙類于古  
淑爲夫人壺有彝則仔肩以身會不蕃寵畀其子孫  
曾不遐年善則長存維仲薦美列辭墓門

孫曰京

孫原諱子

夫人會入墓誌



仙源縣君曾氏墓誌銘

吾妹十人。其一蚤夭。吾旣孤而貧。有妹九人。皆未嫁。大懼失其時。又懼不得其所歸。賴先人遺休。嫁之。皆以時所嫁之者。皆良士。謂宜皆壽而昌。以延光榮于父母家也。而十餘年閒。死者四人。先人之盛德也。吾妹之懿也。曾不章顯於世。而夭。吾故不知夫哭之之慟也。諱德操。字淑文者。吾之第九妹也。嫁江都王氏。爲殿中丞贈尚書屯田員外郎諱某之子婦。殿中丞幾之妻。封仙源縣君。爲人柔嫕靜專。動止以儀度。平



居溫溫一言笑不妄也。與人羣居自處者常取其後。與人共衣食自與者常取其薄。王氏故貧垢衣菲食。未嘗以爲歉。恭大慈小輔其夫以義無不得其宜者。不幸年三十有一以死。有子男二人曰某曰某。女二人皆幼也。曾氏其先魯人。今家建昌軍之南豐。吾妹爲尚書戶部郎中直史館贈右諫議大夫諱某之孫女。太常博士贈尚書都官郎中諱某之女。卒於熙寧七年三月庚子。葬于揚州江都縣東興鄉元豐四年某月某甲子也。銘曰。



既艱其生又不介之壽維篤于仁尚克藏厥後



劉熾其坐又不食以壽樂萬千丁尚京燕鳳對



亡妻宜興縣君文柔鼂氏墓誌銘

文柔姓鼂氏諱德儀字文柔年十有八嫁余余時苦貧食口衆文柔食菲衣敝自若也事姑遇內外屬人無長少遠近各盡其意仁孝慈恕人有所不能及於櫛珥衣服親屬人所無輒推與之不待已足於燕私未嘗見其情容於與人居未嘗見其喜愠折意降色約已以法度學士大夫有所不能也爲人聰明於事迎見立解無不盡其理其概可見者如此蓋天畀之德而夭其年遺以相余而奪之蚤余不知其所以而



又不自知其哭之之慟也。文柔以嘉祐七年二月甲子卒于京師，年二十有六。余時校史館書，熙寧四年追封宜興縣君。十年二月庚申，葬於建昌軍南豐縣龍池鄉之源頭。余時爲洪州，文柔有子男曰綰，太廟齋郎，曰綜，未仕也。女慶老三歲而死。鼂氏世家澶州清豐縣，今爲開封府祥符縣人。文柔曾祖仝，贈太師中書令；祖邁，尚書駕部員外郎，贈開府儀同三司、吏部尚書；考宗恪，光祿少卿。余，南豐曾鞏子，固也。銘曰：人孰不貴，子逢其窮。世誰不壽，子罹其凶。維德日躋，



生不見其止、維聲日遠、歿不見其終、子能自得、懟者  
在人、遺以輔余、曾不逡巡、歲云其逝、予悲孔新、其孰  
昭之、璩此幽珉、



湖文新世南楚

吾人處以補全會不致感氣云其故乎悲其陳其陳

全不見其止雖其日其數不見其終于道自其陳其



曾氏女墓誌銘

先君太常博士贈尚書都官員外郎曾公之第八女、  
諱德耀、字淑明、生而慧淑、於女工、不學而能、於孝愛、  
天成也、生二十歲、許嫁大理寺丞王幾、行有日矣、嘉  
祐六年九月戊寅、以疾卒於京師、熙寧十年三月壬  
申、葬南豐之源頭、其兄鞏爲銘曰、

孰訛爾質、而伐其成、尚千萬年、爾室之寧、



據指爾賢而封其功向千萬年爾室之寧

申義南豐之職應其民望然曰

諱六平氏其功實以夷卒飲京禍照寧十平三民王  
天叔也主二十歲指教大魁奔走王幾許有日矣嘉  
韜麟豎宇城門主而慧昭然文工不學而前然平受  
去岳太常爵士銀尚書時官員快服會公之衆人文

曾文定公墓誌



二女墓誌銘

南豐曾氏葬其二女。其父鞏爲誌曰：予校書史館。凡九年。喪女弟喪妻鼂氏。及二女。余窮居京師。無上下之交。而悲哀之數如此二女。曰慶老。吾妻鼂氏出也。生三歲而夭。實嘉祐六年十一月壬申。方是時。吾妻鼂氏病已革。慶老疾未作之夕。省其母。勉勵如成人。中夕而疾作。遂不救。蓋若與其母訣也。曰興老。吾繼室李氏出也。卒時始二歲。實治平三年九月甲寅。是時余方鎖宿景德寺。試國子監進士。不得視其疾。臨



其死也。二女生而值予之窮多故。其不幸又天以死。所謂命非邪。熙寧十年。予爲洪州。始以三月庚申瘞二女於南豐之源頭。同穴。慶老在右。興老在左。是爲誌。

主三歲而夭。實嘉祐六年十一月壬申。次長。初吾妻之。交而悲。哀之。嫂收此二文曰。與夫吾妻。最久出此。次乎。與文余。與妻最久。次二文。余報。吾京。與無土不。南豐。曾。其。二文。其父。舉。爲。日。予。封。書。史。謝。月。



鄆州平陰縣主簿關君妻曾氏墓表

鄆州平陰縣主簿關君景暉妻。姓曾氏。建昌南豐人。尚書水部員外郎諱某之曾孫。尚書戶部郎中直史館贈右諫議大夫諱某之孫。太常博士諱某之女。而輦之長姝也。始吾姝爲兒時。育於祖夫人。已不好戲弄。及長。喜讀書。於女工之事。不教而自能。爲人進退容止。皆有法度。人罕見其喜慍之色。內外屬皆嚴重之。性儉素。於紛華盛麗之際。無所好。其在父母及夫之家。或蔬食不給。處之晏然。其推之於人。雖資身之



物不爲秋毫顧惜計也。其治女事尤勤。雖勞不厭。治  
家人之業。雖煩細皆有條理。養父母姑舅皆至孝。姑  
久疾。晝夜候省。未嘗須臾去其側。藥食非親調。不以  
進。其於內外屬親疎皆盡恩意。人皆以爲宜富貴壽  
考而卒。不得至其所宜有。嗚呼。其豈非命也歟。嘉祐  
二年。鞏與二弟得進士第。南歸。而吾妹從景暉視余  
於淮南。至真州得疾。七月某日卒於余之舟中。年三  
十有二矣。有女一人。曰某。始五歲。景暉以其喪歸。六  
年十月丁酉。葬於杭州錢塘縣履泰鄉龍升原。景暉



之王考諱某、考諱某、皆尙書職方員外郎、而越之山  
陰人也。吾妹旣歿之六年、景暉得進士第、於是時、余  
校史館書籍、皆會京師、而余於其閒、再哭妹、又哭女、  
與哭妻、憂患之接於余者、可謂多矣。景暉之始葬吾  
妹也、來請銘、不及、余與之皆恨焉。而其會京師、以歸  
也、乃爲之書吾妹之事、以遺之、而使表之於其墓上、



出氏爲之告吾叔之事以處之而對其父欲其墓土  
移出來歸絕不取余與之皆知其意而其會京師以歸  
與哭妻憂患之勢然余亦何能安矣景卿之故義吾  
妹與諸君諒昔會京師而余欲其間再哭其父哭其  
婦人出吾叔而歎之六平景卿拾遺士諒然其親余  
之王等某某韓某皆尚書郎太員候復而跋之



故太常博士吳君墓碣

君諱祥、字某、姓吳氏、事宋、爲太常博士、年六十二、某年某月某日、以官卒於家、卒之若干日、葬真州揚子縣之某鄉某原、初君從進士試、屢不中、年四十餘、始中第、爲吉州軍事推官、歸、以選爲開封府開封縣縣丞、大臣稱其材、遂爲秘書省著作佐郎、知考城縣、又知河中府之龍門縣、再遷爲博士、知蘄州之蘄水縣、父喪除、朝京師、疾作、遂求歸真州、真州君家也、初君之屢斥於進士也、旣自力學問、充其業、又率其弟務



刻○苦○養○其○親○入○其○門○內○尊○安○其○卑○卑○慕○其○尊○一○時○皆○  
稱○之○及○從○事○於○吉○州○第○已○死○君○夫○婦○痛○自○節○衣○食○遂○  
能○嫁○其○孤○女○若○干○人○皆○不○失○所○時○其○在○開○封○衣○食○常○  
不○自○足○而○親○戚○故○舊○之○至○京○師○者○多○以○君○爲○歸○其○喪○  
父○也○以○家○之○有○無○葬○故○葬○不○緩○親○戚○或○憂○其○貧○欲○出○  
錢○爲○基○址○謂○君○一○強○可○以○取○其○贏○君○歎○曰○吾○不○敏○既○  
位○於○朝○貧○吾○素○也○喪○乃○欲○爲○利○乎○平○居○恂○恂○不○與○犯○  
者○校○及○其○自○守○人○亦○不○能○移○也○官○歸○常○僦○屋○以○居○既○  
卒○幾○不○能○葬○曾○大○父○某○大○父○某○父○某○以○君○之○恩○爲○大○



理評事妣某氏某縣太君太君之喪君致其哀有過  
人者妻朱氏某縣君余姨也有助於君子曰某女嫁  
亳州觀察推官張天經旣葬某爲碣於墓而與天經  
來乞銘於輦天經以材名人皆曰其尙能存君之家  
者銘曰

維吳先君太王之嫡禪聖圖民於東窳跡其後孔蕃  
以國爲氏君紹厥宗其德則類儉著于家勤著于身  
不苟其贏卒死於貧維時之人命士大夫縞冠素蓋  
爭利於塗曾不君慕顧或笑之非彼可議維世足歛



較於銘章君有則多以遺其孥非厚如何

不啻其贏卒而飲貧縣和之人命士大夫辭辭素

以聞吾人皆歸過宗其辭附際會替于宋雖替于

縣吳長孫太王之敵斬聖圖吳飲東寬祖其辭其

答發曰夫之有無難故其不後親戚或受其食

來之辭飲雖天孫以林谷人皆曰其尚猶替吾之

亭臥歸祭其官悲天孫猶葬某為師飲墓而與天

人替喪未凡其辭替余飲也齊側飲替于曰某文

聖福軍飲某凡某辭太替太替之喪替疑其某替



寶月大師塔銘

君名修廣、字叔微、杭州錢塘人、姓王氏、九歲出家學佛、居州之明慶院、十一歲落髮爲僧、景祐二年、詔賜紫衣、五年、又賜號寶月大師、治平某年、州選爲管內僧正、熙寧元年十月、感疾、癸丑、會門人與常所往來學佛之人、告以將終、其夕沐浴易衣正坐而卒、享年六十有一、門人曰慈化大師了性、曰崇照大師了然、曰賜紫衣了蘊、以明年某月某甲子爲塔、葬君於某縣某鄉某原、君爲人樂易慈祥、有智識度量、人不見



其喜怒讀五經略知大義。頗喜爲詩。少羸多病。始學  
爲醫。旣成而有疾者多歸之。無貴賤貧富皆爲之盡  
其術。未嘗有所厚薄。尤貧者或資之衣食。以其故自  
京師至於四方。自公卿至于學士大夫多知其名。旣  
見皆樂從之。遊而鄉邑之人至于羈旅遊客其歸之  
者無不厭其意。君於接之雖勞。未嘗有懈倦不欲之  
色。於資之藥物衣食雖窮無未嘗有所計惜。其應外  
者如此。及退而處。夫貧富死生之際。又有所不累其  
心。故至於不能自給而未嘗動意。至於且死而未嘗



劉曰此等  
處絕不假  
借

變容改色噫是非可銘也歟銘曰  
不○以○貧○故○累○其○心○此○學○士○大○夫○所○難○至○於○遭○死○生○之○  
變○而○不○驚○又○難○也○君○之○學○不○同○而○自○得○者○則○然○固○不○  
可○以○無○傳○况○於○名○聞○於○世○行○信○於○人○故○爲○之○書○尙○使○  
長○存○



其○而○不○滿○人○類○也○吾○之○學○不○同○而○日○異○昔○陳○然○問○不  
不○以○貧○好○累○其○心○也○學○士○大○夫○只○璞○王○休○豈○不○主○之  
其○谷○如○也○意○其○非○可○證○也○然○則○曰

其○而○不○滿  
其○而○不○滿

